

補充資料

經論中關於「劫」的解說

《大智度論》卷五

【經】從阿僧祇劫已來，發大誓願。

【論】「阿僧祇」義¹，〈菩薩義品〉中已說。

「劫」義，佛譬喻說：「四十里石山，有長壽人百歲過，持細軟衣一來拂拭，令是大石山盡，劫故未盡。四十里大城，滿中芥子，不概令平；有長壽人，百歲過一，來取一芥子，芥子盡，劫故不盡。」

菩薩如是無數劫，發大正願度脫眾生。

《大智度論》卷三十八

如《經》說：「有一比丘問佛言：『世尊！幾許名劫？』佛告比丘：『我雖能說，汝不能知，當以譬喻可解：有方百由旬城，溢滿芥子，有長壽人過百歲持一芥子去，芥子都盡，劫猶不漸(音丁一，盡也)。』」

「又如方百由旬石，有人百歲持迦尸(譯為「有光澤」)輕軟疊衣一來拂之，石盡，劫猶不漸。」

時中最小者，六十念²中之一念；大時名劫。

劫有二種：一為大劫，二為小劫。

大劫者，如上譬喻。

案：以芥子喻劫量曰芥子劫，以磐石喻劫量曰磐石劫。(FROM: 佛學大辭典(丁福保))

《菩薩瓔珞本業經》卷下

佛子！汝(敬首菩薩)先言一切菩薩行道劫數久近者，譬如一里二里乃至十里石，方廣亦然，以天衣重三銖³，人中日月歲數三年一拂，此石乃盡，名一小劫。若一里二里乃至四十里，亦名小劫。

又八十里石方廣亦然，以梵天衣重三銖，即梵天中百寶光明珠為日月歲數，三年一拂此石乃盡，名為中劫。

又八百里石方廣亦然，以淨居天衣重三銖，即淨居天千寶光明鏡為日月歲數，三年一拂此石乃盡，故名一大阿僧祇劫。

佛子！劫數者，所謂一里二里乃至十里石盡，名一里劫二里劫。五十里石盡，名五十里劫。百里石盡，名百里劫。千里石盡，名為千里劫。萬里石盡，名為萬里劫。

1 【阿僧祇】Asamkhya，舊稱阿僧祇，譯曰無數，或作無央數。印度數目名。新稱阿僧企耶，Asamkhyeya，譯曰無央數。按阿僧祇為數之極。以萬萬為億，萬億為兆計之。一阿僧祇凡一千萬萬萬萬萬萬萬兆。

2 《大智度論》卷三十，引經論謂：「一彈指頃有六十念。」《華嚴探玄記》卷十八，謂「剎那，茲云念頃，一彈指頃有六十剎那。」

3 【銖】古代計算重量的單位。二十四銖為一兩。十六兩為一斤。(教育部國語辭典)

佛子！一切賢聖入是數量，修一切法門，時節久近得佛果，其數百劫乃得等覺。若一切眾生入是數者得佛不久，若不入者不名菩薩。

《大藏一覽》卷第六 劫量品

大小劫量

(婆沙論云)有一苾芻白佛：「劫為何量？」佛言：「劫量長遠，非百千等歲數可知。」苾芻復言：「有譬喻不？」佛荅言：「有，如：全段石⁴山，縱廣高量各踰繕那。迦尸細縷百年一拂。山已磨滅，此劫未終。汝等當知，經此劫數無量百千，在於惡趣及人天中，生死輪轉受諸劇苦，何得安然不求解脫？」。

法數偈云：

大千草木寸為籌(盡大千世界草木皆寸斬為籌)。

一由旬砂細如麵(河廣四十里滿中砂細如麵)。

芥子縱橫堆百里(城四方并高各一百里滿堆芥子)。

化身佛剝碎為塵(一化身佛化一三千大千世界碎為微塵)。

人間百年旋除織(世上過一百年，籌、砂、芥、塵，各除一拆)。

每事罄空為一劫。兜率銖衣拂青石。四十里盡劫同然(石廣一由旬。厚半由旬。兜率天人一百年以六銖衣一拂。至石銷盡以為一劫)。

如上五種極時長。經論較量稱大劫(已上名大劫)。

婆訶油麻中可見(十大地獄皆以婆訶⁵麻為籌。第十獄用一萬二百零四十斛麻。人間百年除一粒麻。麻盡出獄。此名中劫)。

三災(一十三萬四千四百萬年為一火災等)四相(三萬三千六百萬年為一成相劫等)小堪知(輓轆⁶增減⁷乃是小中之小)。

名相解釋

【真實沙門、假名沙門】(阿毘曇毘婆沙論卷第一)

佛出世間。眾生入法，凡有二種：一、假名。二、真實。

假名者：剃除鬚髮，而被法服，正信出家。

真實者：起世第一法，次第能入苦法忍。

是假名沙門有二過患：一者破戒，二者捨戒。入正法者，無如是過。

4 【段石】1. 可作磨刀石和石磨的一種粗石。2. 泛指粗石。

5 【婆訶麻】玄應音義二十四曰：「婆訶麻。婆訶，此言笮(音勿ㄨㄤ、，同「笮」，受米穀之器)，或言篇(音彳ㄨㄥ、，一種盛糧食的圓形穀倉。)麻則胡麻也。」(佛學大辭典(丁福保))

6 【輓轆】音ㄉㄨㄥ、ㄨㄥ、。利用滑輪原理製成的井上汲水用具。古人常於井上立架置軸，貫以長木，上面嵌上曲木，纏縷(音ㄍㄨㄥ、，汲水所用的繩子。)其上，下懸汲水用斗，用手轉之汲水。

7 增減，此謂一小劫中之增劫及減劫。